

(清)傅澤洪 黎世序等 主編 鄭元慶 俞正燮等 纂輯

行水金鑑 續行水金鑑

(附分類索引)



(清) 傅澤洪 黎世序等 主編 鄭元慶 俞正燮等 纂輯

# 行水金鑑 續行水金鑑

(附分類索引)

28

# 續行水金鑑

(清)

黎世序 潘錫恩 張井等 主編  
俞正燮 董士錫 孫義鈞等 纂輯

卷一百四十九至  
卷一百五十六

續行水金鑑卷第一百四十九

江水

原委四

湖北

漢水

又東北有陸溪水白江西寧州西界經通城崇陽合諸

水來會

皇朝通志

又東北爲六溪口卽古陸口有陸水東南自蒲圻合

通城崇陽諸水來注之

陸溪出江西寧州西界大湖

經苦竹山西南樓嶺東曰黃龍山下將嶺北流來會又

北有河市港水西南自黃龍山下將嶺北流來會又

東北經通城縣東境有東港太平港及城南之朗河

又北自西來會又有龍容山水自西來經城北來會

又北自西來之白港河水折東北流經新橋鋪苔橋

又北有毛公渡河自南來注之又東北至崇陽縣西南

有大溪河水自東南來注之又東北至崇陽縣西南

有吳城港水南自雷公山來會又東北經縣城南而東

有水自東南來注之又北流經城東而北有白羊山

水合數小溪南流折而西北來注之又西北流經崇

江水一

洪鎮北有小水自西南來注之又北流折而西至蒲圻東南有桃花嶺水自西南來注之又北經縣城東北又西北百餘里至又東有石磯磯南岸曰南岸有六溪口西北入江又東有石磯磯南岸曰南岸有小湖口即嘉魚城西南湖也赤壁在嘉魚縣西與江夏縣界北岸對烏林水道提科

武昌府舊志大江白臨湘縣清江口入嘉魚縣境經石頭口陸溪口嘉魚口至嘉魚縣城陸水一名雋水源出通城縣上雋鄉東北流繞城西經縣治北合秀水又東北經柘橋入崇陽縣界名崇陽河至縣西南會桃溪又繞城東會大東港經壺頭及崇陽洪入蒲圻縣界名蒲圻河自縣東南洪下灘西北流至城東南會荆溪繞城東通浮橋又西北流入嘉魚縣界至縣西南七十里陸溪口入江又武昌府舊志崇陽縣

東有吳城港白石港縣西有白泉河龍坊河縣南有

高視河太原河東北有龍頭河西北有江巖河俱會

崇陽港以入雋水

大清一統志

經嘉魚縣北沔陽州東南又東北有沔陽東南諸水來

會

皇朝通志

東經嘉魚縣城北北岸卽沔陽縣東南境也

北岸自新隄鎮

揚家嘴東北至此雖無入江之水沔陽支

津北引漢水爲川爲澤縱橫五六百里間

東北又西北至新灘口沔陽東南諸水合而來注之

水道提綱

水經注江水又東北至江夏沙羨縣

今按沙羨縣屬江夏郡卽今

武昌府江夏縣西北沔水從北來注之又大江東入監利縣

黃子氏家藏本二百五十九

江水二

續行水金鑑卷一百四十九

二

界南岸與岳州府華容巴陵臨湘三縣分界又東入漢陽府沔陽州界荊州府舊志大江至荊河口會洞庭湖水流至白螺磯入漢陽府沔陽州界大清一統志又東北有斧頭湖水自嘉魚縣合咸寧縣水來會皇朝通志

又西北折而東經大軍山南麓至金口鎮西有斧頭

湖金水自南來注之

斧頭湖長百數十里自嘉魚東南境迤而東有小水三自南來

匯又迤而北有咸寧縣咸河自東南合六小水來北注之又東北至賀勝橋受東來一小水又北百里至

金口鎮巡司西北入江水道提綱

大江東流入嘉魚縣與安陸府沔陽州分界 斧頭

湖在江夏縣南一百二十里會嘉魚咸寧諸縣水至

金口入江又塗水源出咸寧縣界鐘臺山曰咸河又名西河北流至縣南金燈山下名淦川又合官埠赤港二水又西北入江夏縣界匯爲斧頭湖北流至金口入江水經注塗水出江州武昌郡武昌縣東山西北流經汝南僑郡故城南歷縣西又西北流注於江明統志一名金水入江夏縣謂之塗口亦名金口咸寧縣志其源有二一出浚水嶺西北流過洪崖山名蘋花溪一出鐘臺之桃花泉北流與蘋花溪合

統志

清一大

又北有赤野湖會沔陽太白十四湖諸水來會

皇朝通志

又北流稍西經小軍山東麓又北有赤野湖西會沔



陽太白十四湖諸水來會曰沌口漢陽府之西南境

也。荊州府治江陵縣城北有大暉港自北而南折而東經城北又東數十里形如曲尺此水無所入其北有池水當港曲平地於龍背橋南東流六十里有小水自西北來會匯爲太白湖自西迤而東南長九十里至潛江縣西境梅家嘴西有三湖水西南自江陵東南境來會又東有漢水支津東北自大澤口西南流來會南流有紅馬湖水南自江東北自大澤口東北流又西合觀音寺東之水來會卽古所謂夏水首受江後人曰長夏河者也自此分二派一派東南流至周家嘴又分爲二北派東流至沔陽州南之謝雲口又東數十里至峯口復合有小河西湖北自州北境來會東至土坑口又分爲三其東流二渠匯爲沙湖其南流者爲白石湖有上洪湖官湖下洪湖相連自西來會又南而周家嘴南流之水與紅馬湖南流之水會而東南者西南受監利縣北岸之南江湖蓮頭湖大烏湖將師湖人城池五水又東流百數十里至新堤鎮楊家嘴又東北來會過小港口又東北與沙湖水會而東州東北水之支渠亦東南注堤當湖會於平坊又東折而北至州東南之新灘口巡司之南東入江 沔陽北派自潛江縣北境張集口南引漢水

支津南流至排沙渡之西折東南流經縣城東北又  
東南流分爲二派至謝汪劉三場又分爲三其東二  
派南復合至州西蕭家場折而東北匯爲西湖經州  
西北及正北日遙過湖又東曰白泥湖長百二十餘  
里南北廣者八十里狹者五六十里其南一派東南  
流百七十里至州南境與州城西水合又東南至土  
坑口會長夏湖者也白泥湖東南流於沙鎮司南東  
北注赤野湖赤野湖雨受漢水一西北於州東北  
之仙桃鎮南又東南流與白泥湖北出之二渠合而東經  
下檀埠南又東注赤野湖一東北於漢川縣東境蔡  
店巡司之北引漢支津西南流百餘里注赤野湖  
南北九十餘里東西七八十里於東流出經小軍山  
之北東北至沌口入大江  
卽河水也水道提綱

漢陽府志大江環抱郡城去城僅數十丈自荊州監  
利而下會沌口過城南與漢合者江之正流也有自  
沔陽播爲陽明諸湖匯於太白者有自沌口出江者  
有經沔爲黃蓬諸湖經上平下平放至新灘鎮出江

續行水金鑑 卷一百四十九

者有自孝感經漢陽之石潭河入黃陂境至沙口出江者此在隣境旁出而入江者也舊志江水自江夏東臨入府境歷新灘口大江口百人大小軍諸山過沌口至府城東過大別山合漢江轉煙波灣抵五通口共一百九十里入黃陂縣境經縣東南三十里流十五里至沙口入黃岡縣界太白湖在漢陽縣西南接沔陽州東北界水經注沌水南通太白湖輿地紀勝在漢陽縣西南一百二十里府志太白湖一名九真湖周二百餘里潛水自西北來注之西湖李老沙湖泗港諸水匯焉沱水自南來注之直步陽明黃蓬諸水匯焉而東南匯於沌水出江春夏水漲與新灘

馬影蒲潭等湖合而爲一冬涸始分舊志太白湖西

南受陽明西北受沙湖北受索子港南通新灘口東

通沌水

大清一統志

經漢陽府城東南武昌府城西有東湖湯孫湖諸水來

會

皇朝通志

又東北七十里經漢陽府城南及東武昌府城而有

磯有湖水自東南來注之

磯在武昌府西南江中當漢陽正南即鸚鵡洲也武昌

昌府治江夏縣有黃鶴磯縣南多水澤曰東湖曰湯孫湖曰黃家湖曰清寧湖曰賽湖至西山會流而北

入江

道提綱

大江自沔陽州東北流入漢陽縣界與武昌府江夏

縣分界又大江自嘉魚縣東流入江夏界東湖在江

夏縣東四里輿地紀勝上有東園爲近城登覽之勝  
清寧湖在江夏縣西南十五里東北通黃家湖又東  
南通湯孫湖又東通賽湖賽湖匯諸湖之水折西西  
北流俗呼爲裏河出鮎魚口入江

大清  
一統志

又北漢水自西北來會

皇朝通志

二府隔江東西相望稍北漢水西北合商雒唐鄧以  
南諸巨川自漢陽府城西北來會曰漢口

水道  
提綱

大江入江夏縣會漢水又大江與武昌府江夏縣分  
界又東北會漢水漢口在漢陽縣東漢水入江之  
口也亦曰夏口沔口魯口蓋以夏水沔水魯山得名  
實一處也其地本在江北自孫權置夏口督屯江南

於是相承以鄂州爲夏口而江北之夏口晦矣

清一大

統志

漢水卽漾水源出寧羌州北之嶓冢山卽禹貢導漾之嶓冢也經沔縣而南有沔水合湍水沮水來會經褒城縣南有黑龍江自郿縣合斜谷水褒城水來會經漢中府治南鄭縣西南經固城縣南有馬廐河鐵臺河來會經洋縣南有潛水來會有沙河自西鄉縣來會南流有洋河合本馬河來會經石泉縣西南又經紫陽縣西有渚河自四川太平縣來會又東有香河自平利縣來會經興安府西有越河自安康縣黃洋河自平利縣來會經洵陽縣南有洵河自鄠縣經長安縣合鎮安縣水來

續行水金鑑 卷一百四十九

會東流有吉水河自湖北鄖西縣來會經白河縣城北  
又東入湖北鄖陽府界經鄖西縣南有陡河卽堵水自  
竹溪竹山二縣合諸水來會經鄖縣西至均州西北有  
會河來會又東南有丹河自河南淅川縣合陝西商州  
山陽南陽縣諸水來會經光化縣西南穀城縣東南有  
南河自房縣合保康縣水來會經襄陽府北樊城縣南  
有白河卽濁水唐河卽清水自河南新野合南陽府諸  
縣水鄧州諸水及棗陽縣之滾河來會經宜城縣東有  
蠻河及鄧水自南漳縣來會經安陸府鍾祥縣北經荆  
門州東南又經京山縣而南潛江縣北有支津交匯爲  
雲夢澤

見後

漢水正派自大澤口東北流又分支津經潛

江縣東北匯爲沔陽北湖其正派東東流又分二派北派經天門縣南合松湖支津水南派經沔陽州北又分支津爲白泥赤野諸湖又東北流與北派合過漢川縣南南有松湖支津水來會又東有澧水沮水自隨州合德安府雲夢應城諸縣水來會經漢陽府治西北有赤野湖水來會又東北有三里河自應山縣經孝感縣來會折東南至大別山麓入於大江

皇朝通志

漢水卽漾水亦曰沔水源出寧羌州北之嶓冢山

在山

州北稍西九十里

卽禹貢導漾之嶓冢也東南流數十里折

而北數十里至竟川鋪西折東北流經沔縣西南境有大安水自西北來會

在大安鎮東南

又東北經青陽鋪南



系之山名也

一

又東北有沔水會澧水沮水自北來會曰澧口

沔水

有三一曰澧水出西北山東南流經峽口北又東南

流一曰沮水出北山南流經沮水鋪西南一曰丙

水自東北山西南流至鋪南三水俱又東經縣城南

會又東南曲曲流八十餘里入漢

又東經黃沙驛南又東南有水北自雲霧山來注之

又有白巖河西自寧羌州城東北流合平溪河來會

水勢始壯

白巖河出州西南與四川界之七盤關北

北又東北經蔡壩有平溪河自南北又東北經鐵鎮關

曰壩河又東北入漢水在天池山之北又東南流

經襄城縣南境稱爲沔水有黑龍江東北自太白山

西南流合斜谷東南諸水自北來會

黑龍江源出鄜

之西南麓兩源西南流而合又南合東來一水西流

又合北來一水又西有紫金水自北來會又西折

南流至泰伯村西受東來一水西南至鎮江鋪西又

西南有白馬及安河西北自斜谷之東南山合

焉